

وسم (كلنا مع السيسي) ينقلب ضده



الاثنين 15 مايو 2017 11:05 م

هاج نشطاء وإعلاميون قائد الانقلاب بمصر؛ عقب حديثه عن الأزمات الاقتصادية بالبلاد والقروض المتراكمة على الخزينة المصرية [] وأطلق موالون للسيسي وسم "#كلنا مع السيسي_2018" للتعبير عن تأييدهم وموافقتهم لحديثه، إلا أن المعارضين له اكتسحوا الوسم بانتقاداتهم لتصريحاته []

وعبره، قالت رانيا منصور: "مصر مش طابونة مصر الفرخة اللي بتبيض ذهب للجيش والشرطة والقضاة عشان هما دول بس اللي بيعتبرهم السيسي مصريين".

وسخر الناشط السياسي حازم عبد العظيم، قائلا: "تحية واجبة للمقاتلين في مشاريع السيسي التنموية، نثقل عليكم [] ونشفق عليكم [] وتنمى عودتكم إلى مهنتكم الأصلية كمقاتلين في جيشنا العظيم".

وعلق المتحدث باسم الجبهة السلفية خالد سعيد: "بس يا سيدي طالما السيسي قالك: مصر مش "طابونة"، يبقى حاطط "رغيف العيش" في دماغه زي ما توقعت بالضبط".

وقارن إسلام عرفة بين تصريحات السيسي منذ عامين والآن، فقال: "السيسي 2014: وبكرة تشوفوا مصر لما تبقى قد الدنيا[] السيسي 2017: أنا زعلان أوي عشان الناس مش لاقية تاكل".

وعن الفوائد البنكية التي أشار إليها السيسي، قال المحامي محمود عفيفي عبر فيسبوك: "السيسي: أنا لو حطيت الـ 10 مليار اللي هطور بيهم السكة الحديد في البنك هيجبوني 2 مليار فوائد[] بتخيل أبويا الله يرحمه وهو بيقولي أنا وأخواتي: أنا الفلوس اللي بصرفها في البيت على أكلكم وشربكم ولبسكم لو حطيتها في البنك هتجيلي فوائد قد كده، وبتخيل رد فعلي أنا وأخواتي هيكون إزاي".

وعلق أستاذ العلوم السياسية سيف الدين عبد الفتاح على حديث السيسي زيادة تذاكر المترو؛ بالقول: "بجاجة منقطعة النظير".

وغرد الكاتب أحمد جمال زيادة: "السيسي: محدش هياخد حاجة مش بتاعته؛ هي صابونة ولا إيه؟ لأ هما جزيرتين الصراحة!".

وكتب إسلام عرفة: "الجدير بالذكر إني مشغل الخطاب في تلفزيون الشغل وما فيش حد دخل عليا وشاف بالصدفة السيسي بيتكلم إلا ما شتمه سواء كان معارض أو مؤيد".

أما رئيس حزب الدستور خالد داوود، فانتقد حديث السيسي قائلا: "قبل ما السيسي يسأل إذا كان في بلد في العالم بتقدم خدمات عامة بأسعار منخفضة زي مصر، يا ريت برضو يفتكر إن حوالي 40% من المصريين تحت خط الفقر وزيهم عند خط الفقر، وإن بسبب سياساته المصريين افتقروا زيادة وحتى الخدمات الأساسية ما بقوش قادرين عليها".

وأضاف: "إدينا مرتبات تخلينا نعيش زي البني آدمين، وبعدين حاسبونا على الخدمات، هو حضرتك مش معانا من البلد دي برضو يا ريس؟".

وعن انفعال السيسي المتكرر خلال خطابه، قال الكاتب أنور الهواري: "من خصائص الحكم الفردي المطلق، الانفعال والعصبية والغضب عند مخاطبة الشعب، ثم التوبيخ والتعنيف، ثم التهديد والوعيد، ثم التعجل في إصدار التكاليفات، ثم اتخاذ القرارات على الهواء مباشرة، الديكتاتورية تعبر عن نفسها في بث حي مباشر، وطبعاً كل ذلك مستحيل في دولة الدستور والقانون واحترام الشعوب".

